


成案所見集 三集

四之七



漢書門		九二四九	
類	號	函	架
四	八	二	四

內閣文庫			
番號	漢	9249	
冊數	48 (42)		
函號	296	104	



A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale



© Kodak, 2007 TM: Kodak



賑饑自應錢米與銀並用不可另派大臣

乾隆五十一年十一月二十五日奉

上諭據謝墉條奏賑濟暨水勢情形一摺朕詳加披閱內

有碍難施行者如所稱賑濟請除去錢米統用銀兩


按照戶口定為一次給發等語自古救荒本無善策

惟平時於常平社倉詳悉講求務期積貯克盈以備

歉收賑恤之用蓋荒歲收成失望米糧價值自必昂

貴小民嗷嗷待哺非散給米穀不足以克飢朕軫念

窮黎每遇各省奏報偏災不惜千百萬帑金仍加恩



斤見集三

檢稽災傷冊

所見集卷之四
賑恤恐各該省倉貯不敷給賑屢經降旨截留漕糧
並諭該督撫於鄰省豐收省分設法採買糧石運往
災區源源接濟所以籌畫民食者無微不至而銀米
兼放原屬不得已之事若如謝墉所言除去錢米統
用銀兩則小民計日給銀所得無幾勢必不能於穀
貴之時市易升斗以資養贍且災歉之區米糧難購
是名爲賑飢而於小民生計轉無裨益又奏稱賑銀
在五十萬兩以上者請派近信大臣一員前往查察
等語地方辦理賑務原難保不肖官吏侵漁中飽惟

在督撫司道督飭所屬層層周密稽查自不致滋生
弊端若又揀派大臣前往是該督撫皆不可信矣如
果派往之人公正實心於事不爲無益而一省州縣
村庄亦必不能分身周歷設其人於外省情形不能
熟悉徒生枝節轉致掣肘紛更甚或扶同瞻徇一味
稊稜地方官徒增酬應之繁而於賑務究不能查出
弊竇是簡派大臣仍屬有名無實此皆揆之事理斷
難准行者其餘所言或有可採仍著大學士九卿詳
議具奏欽此

生員攬納糧米多取費用照誑騙治罪加枷監
生與人代納重杖斥革

刑部奏據東撫明 奏生員李遜呈控漕書楊天培
索錢折價治罪一摺奉

硃批該部議奏欽此查律載攬納他人稅糧者杖六十着
落赴倉照所攬數納足再於該犯名下照所納數追
罰一半入官又律註包攬多科費用以誑騙論包與
者不應杖罪又律載誑騙人財物者計贓進竊盜論
免刺竊盜贓一兩以上杖七十各等語此案李遜收

受李梅錢文代爲納糧希圖漁利經漕書楊天培窺破包納情由欲令折價該犯藉詞具控尚非誣捏李遜除代納他人稅糧律應杖六十輕罪不議外其多科李梅費用錢六千有零計贓在一兩以上律應杖七十該撫將該犯從一科斷擬以杖六十係屬錯誤應將李遜褫革生員改依誣騙人財物計贓准竊盜論一兩以上杖七十但李遜身列宮墻乃敢包攬漕米代爲完納殊屬玩法一杖不足示儆應枷號一個月在于該倉門首示衆滿日折責發落以爲特符包攬者戒仍依律照攬納錢糧著落赴倉納足並在該犯名下照所納數追納一半入官再該撫奏稱楊天培旣知李遜違禁攬納漕糧並不稟明查究希圖挾制分肥輒敢索錢折價雖未折成實屬不合楊天培應革役照違

制律杖一百再加枷號兩個月滿日折責四十板李梅將自己應納漕米與李遜代完亦有不合應行革去監生照不應重律杖八十仍照例准其納贖杖罪叅革知縣周潛修雖訊無迴護漕書及授意折錢情事

但於漕書楊天培向納戶索錢折價爭吵毫無覺察
及糧道飭提漕書楊天培審訊又不卽行追回解審
實屬溺職業經叅革應毋庸議等語均應如該撫所
奏完結乾隆四十二年四月初一日奉

旨依議

侍衛包攬漕米赴縣說情知縣捏詞具稟叅審
奉 旨從寬知縣革職留任待衛改擬杖徒

臣劉峨臣吉慶奏欽奉

諭旨審訊江西廣豐縣民人嚴夢魁在步軍統領衙門呈
控伊兄嚴夢彪被廣豐縣知縣曹德元誣稟被叅併
該縣浮收勒折抑派交倉使費錢文一案嗣又欽奉
諭旨姚棻審擬革職侍衛嚴夢彪所奏情節並未確實若
將嚴夢彪問擬發遣旣不足以示服且嚴夢魁在京
所控詞內有該縣浮收勒折情弊於地方漕務尤有

月身集卷之五
三
關係如果屬實該縣之罪亦豈例止革職不可不查
審明確以成信讞著將姚棻原摺發交劉峩吉慶閱
看照折角處所及已上指駁各情節提集案內人証
秉公逐一研訊毋任稍有隱飾迴護以副委任將此
傳諭知之速行將畧節奏聞欽此臣等業于正月初
八日將審訊大概情形恭繕畧節具奏欽奉

硃批諭旨秉公據理定罪可也欽此臣等逐日率同戶部
郎中覺羅麟善兵部郎中胡時顯將嚴夢彪併案內
應質人証詳加推鞫逐一供明查嚴夢彪說情干預

漕務知縣曹德元任意捏稟固已審無疑義而嚴奪
魁所控浮收勒折等情大干法紀必須審訊確鑿方
成信讞臣等又提該縣倉書徐瑞燦斗級黃籠李貴
隔別嚴訊並傳糧差及花戶嚴廷松等質對僉稱該
縣收漕實無浮收折色之弊核對該縣征冊印簿亦
屬相符尚恐有不實不盡之處反覆究詰嚴加刑嚇
矢口不移似無遁飾查律載攬納稅銀多科費用以
誑騙論又例載誑騙未成財未接受杖一百徒三年
又律載替人設計用言教誘人犯法與犯法之人同

罪又誣告人死罪未決者杖一百流三千里加徒役
三年又盜各衙門官文書者杖一百刺字等語此案
已革侍衛嚴夢彪聽從鄭學綸攬納漕糧四百石向
知縣說情先收希圖借貸盤費事雖未成實有應得
之罪應照誑騙未成財未接受例杖一百徒三年鄭
學綸係已革戶書輒敢恣意嚴夢彪包攬漕米合依
教誘人犯法與犯法之人同罪律杖一百徒三年武
生嚴飛熊起意做狀令伊子嚴奪魁冒名嚴夢彪赴
京呈控又囑令尋取簽票情同狡獪所控該縣浮收
勒折等事屬實均應計財論罪今審明確均屬虛誣
應將嚴飛熊革去武生照誣告人死罪未決杖一百
流三千里加徒役三年律杖一百流三千里就于配
所加徒役三年嚴奪魁赴京告狀係聽從伊父指使
業經罪坐家長但伊揭取他人糧粟又串通嚴鴻聲
偷竊硃簽應將嚴奪魁嚴鴻聲均照盜官文書杖一
百刺字律各杖一百折責發落照例刺字武生嚴飛
騰雖未起意捏控但既知伊弟嚴飛熊令伊子嚴奪
魁赴京呈告不力加攔阻亦難寬宥生員馮在茲因

伊妹苦求照應嚴飛熊所說代寫狀稿究屬不合應將嚴飛騰馮在茲均革去生員照不應重律各杖八十折責發落糧書吳紹棟受嚴夢彪囑托接收糧單代爲照料應革役同接收嚴夢彪所交四百石漕米紙條之管門家人徐安亦均照不應重律各杖八十折責發落王揚善年甫十二歲所托嚴夢彪照應完漕係伊母所囑并隨同王揚善在彼交漕之馮作堅訊無別情均免置議書吏周作楫遺失簽票業經責革應免重科其嚴夢琴嚴云魁當嚴飛熊等商議告

狀時並不知情應與審訊無干人証概予省釋至知縣曹德元辦理漕務審明並無浮收折色等弊而于嚴夢彪說情滋事之外添砌捏稟實屬不職應請

旨將廣豐縣知縣曹德元照溺職例革職撫臣姚綬辦理此案因該縣知縣曹德元之稟即將嚴夢彪叅革後雖究出該縣捏稟實情而所擬嚴夢彪之罪未得其平應請

旨將撫臣姚綬交部議處其司道等官雖係該撫親自提審定擬未及核轉但既經隨同辦理亦有不合應令

該撫查取職名送部核議廣信府知府張朝祿於嚴
夢彪因病展限曾經依限嚴催本無不合審擬此案
時又經撫臣姚 將該府派赴南安提催周鼎生案
內人証並未隨同審辦應毋庸議理合將訊明定擬
緣由繕摺具奏伏乞

皇上睿鑒勅部核覆施行乾隆五十七年三月十三日奉
旨此案廣豐縣知縣曹德元因已革侍衛嚴夢彪包交糧
石添砌情節捏詞具稟固有應得之咎但究係嚴夢
彪屢次赴縣欲行請託該縣嫌其囉哩架詞呈稟尚

屬有因况本地紳衿干預地方公事擅為請託若令
兩敗俱傷則將來地方官遇有紳衿囑托之事轉致
心存顧忌聽受情面亦不可不防其漸曹德元著從
寬改為革職留任餘交該部議奏摺併發欽此



遊擊買用物件派累兵丁那移草乾銀兩律應
擬徒從重發伊犁當苦差

江督書 奏竊照漕標鹽城營遊擊楊瑞鼎因置備
署中應用物件派累兵丁并那草乾銀兩經漕督臣
毓 訪聞叅 奏請

旨將遊擊楊瑞鼎與通同徇隱之守備唐國太一併革職
交臣審辦當查守備唐國太因怠玩巡洋先經臣恭
摺叅 奏革職行司提審在案接准漕臣移咨臣隨
委員摘取楊瑞鼎印信一并發司提同已革守備唐

國太及兵下人等嚴審去後茲據蘇州藩臬兩司飭委蘇州府知府汪志伊署松江府知府汪廷昉淮安府知府劉灃督同長洲縣知縣葛廷楚審擬由司覆審招解前來臣親加研訊緣已革遊擊楊瑞鼎籍隸江蘇華亭縣由武舉歷陞鹽城營遊擊乾隆四十九年到任五十三年二月內因署中鋪設執事破爛陸續置買高燈鎗套卓圍紅毡等物共工價銀三十七兩三錢零四月二十六日放給兵餉楊瑞鼎卽在各兵丁名下攤扣還價至五月初間知各兵丁被扣不

甘噴有煩言楊瑞鼎慮被控告隨卽如數發還又四月內楊瑞鼎因營倒斃馬匹向馬販買補共該銀二百三十兩維時應領馬價尚未領到被馬販催討適領有夏季分馬兵草乾銀三百六十五兩楊瑞鼎卽那所剩銀一百三十五兩湊給馬販旋經漕臣毓訪聞飭令中軍副將五十三查傳該營兵許彪戴振邦詢出前情稟經毓 叅

奏革審茲據江蘇藩臬兩司審擬詳解到臣隨親加研訊據供派累那移各情不諱臣查叅革遊擊楊瑞鼎

順天集卷之五
於四十九年蒞任迄今五載恐此外尚有尅扣侵盜
別情嚴加究詰據供本年置備署中物件糊塗見小
於兵餉內攤扣完價又因馬販催逼價銀暫將各兵
草乾銀兩那移給發各兵卽有煩言致奉訪聞若別
有扣尅侵盜之事衆兵豈肯隱忍等語質之已革守
備唐國太兵丁許彪等供亦無異并稱該遊擊現已
叅革治罪果有侵扣別情何肯復爲隱諱矢口不移
似無遁飾查例載管軍官科歛軍人錢糧入己者計
贓以枉法論枉法贓三十兩杖九十徒二年半又律

載收支錢糧監臨主守不正收正支那移出納還克
官用准監守自盜論四十兩雜犯斬准徒五年各等
語此案已革遊擊楊瑞鼎因署中置用物件攤派兵
丁餉銀三十七兩零又那移兵丁草乾銀二百三十
兩給發馬價計贓均應杖徒但該叅弁身爲將領不
能潔已奉公輒敢藉事侵那情節較重僅擬杖徒不
足示懲楊瑞鼎應請從重發往伊犁克當苦差以爲
將領侵那錢糧者戒已革守備唐國太雖訊無通同
侵那情事但近在同城既不稟阻於前又不揭報於

後殊屬有心狗隱該叅弁因怠玩巡洋現已另案問擬斬候應毋庸議楊瑞鼎扣剋兵餉及那用草乾銀兩先經照數給還毋庸議追餘屬無干先行省釋所有審擬緣由理合恭摺具奏并錄供單恭呈御覽爲此 奏

聞伏祈

皇上聖明睿鑒乾隆五十三年十二月初四日奉

旨該部議奏欽此

刑部奏查律載管軍官科斂軍人錢糧入已者計贓以枉法論枉法贓三十兩杖九十徒二年半又收支錢糧監臨主守不正收正支那移出納還克公用准監守自盜論四十兩斬雜犯准徒五年各等語今革遊擊楊瑞鼎因署中置用物件攤派兵丁餉銀三十兩零又那移兵丁草乾銀三百三十兩給發馬價計贓罪應杖徒但該革弁身為將領不能潔已奉公輒敢藉事攤派那移情節較重僅擬杖徒不足示懲楊瑞鼎應如該督所奏從重發往伊犁克當苦差以爲將領儆戒該督奏稱已革守備唐

國泰雖訊無通同侵那情事但近在同城既不稟阻於前又不揭報於後殊屬有心狗隱該叅弁因怠玩巡洋現已另案問擬斬候應毋庸議楊瑞鼎扣尅兵餉及那用草乾銀兩先經照數給還毋庸查議等語查守備唐國泰怠玩巡洋現據該督審照失悞軍機律擬以斬候臣部另行會核 奏覆外餘均如該督所 奏完結為此奏 聞伏祈

皇上睿鑒乾隆五十三年十二月十九日奉

旨依議

冒名領米爭毆摔斛首犯擬斬立決從犯絞候 奉 旨減一等發落包攬領米枷號

乾隆五十七年四月初二日奉

旨留京王大臣審擬謝君美等冒名領米爭毆摔斛一案將謝君美照光棍例擬斬立決其幫助謝君美踢傷官役之盧祿兒照光棍爲從例擬絞監候所辦尚是惟斗甲董得祿因謝君美尖量倉米摔斛凶毆該犯將謝君美迷眼按地復用磚砸脚踢以致因傷身死照罪人已就拘執而擅殺律將董得祿擬以絞候核



其情節尚未平允董得祿身克斗甲管理厥口是其
專責見謝君美尋衅擗毆打官役勢甚凶橫因暗
拾灰土洒迷謝君美兩眼趨勢毆踢與無故逞凶斃
命者有聞董得祿着于所擬應絞監候罪上減一等
發落餘俱照所議行其旂員應領俸米者自當赴倉
親領何得將米票私交鋪戶領賣致啟包攬情弊嗣
後着八旂都統通行傳知無論大小官員傳令自行
赴倉親領如有仍前將米私給碓房赴米局包領者
一經查出卽行叅奏以示懲儆再鋪戶包攬旂員俸

米兵丁甲米與倉書斗級私自交給赴倉支領希圖
從中取利其弊由來已久雖謝君美業已破案而似
此固積漁利者必不止謝君美一人着步軍統領衙
門順天府密訪嚴拿如有此等包攬領米鋪戶卽行
拿獲枷號米石入官示懲以儆其餘摺并發欽此

全縣賦米可人言示懲以熾其糶計共銀萬兩
門部天祿府糧倉賦米計萬石計於米計
此國蘇蘇賦米必不出儲法美一人洋米
於中軍賦其糶出來出入儲法美一人洋米
米六丁甲米與賦米計萬石計於米計

解員失銀地方官不報革職加徒三年

直督劉 奏竊照山東委員萊州府同知潘成章管
解協撥直隸賑濟銀兩至景州地方失竊元寶三定
該州知州沈長春照數賠補轉解嗣捕獲匪犯葛二
並不即時訊詳經臣遵

旨查明參奏將沈長春潘成章一并革職拿問究辦欽奉
殊批該部知道欽此欽遵經山東撫臣將潘成章及德州
原解兵役委員押解到直隨督同藩司馮 臬司阿
及保定府同知冷日煊等詳加研鞫緣山東省撥解



直隸賑濟銀三十萬兩分兩起押解第二起銀十五萬兩計裝一百五十鞘派委署萊州府同知試用知縣潘成章管解乾隆五十四年十月初六日解至德州將銀鞘分十三車裝運流撥兵役跟隨解直潘成章護解起程起更時分行至直隸景州將鞘車拉赴署前投交景州叅革知州沈長春親赴各車查點銀鞘數目並無短少卽令快役葉士純等雇夫卸車扛鞘寄庫沈長春隨將印信收管給德州兵役賁回委員潘成章赴店安歇沈長春嗣後查點失少一鞘當差役四名追尋旋於西門外城墻下尋獲原鞘鞘上鉄箍已斷點查僅存元寶十七錠失去三錠該叅員沈長春以鞘旣找獲該賊犯不致遠颺易於緝獲卽與解官潘成章說明俟訪獲贓賊再行通報隨照例賠補元寶三錠將銷釘好交潘成章轉解前進該叅員沈長春帶領捕役四處訪緝至初七日在於受雇扛鞘葛二家搜出元寶銀邊復差役指名查拿迨潘成章回至景州沈長春卽將贓有踪跡賊有姓名無難克期就獲之言告知潘成章諄囑緝賊通詳旋經

差役在雄縣地方拿獲葛二并搜出碎銀解回景州
訊據供認扛鞘時滑跌銀鞘跌斷鉄箍露出元寶遂
起意負出西門外挖出元寶又供出寄存原贓之葛
大等俱在京中該叅員沈長春以必須起獲原贓始
得確鑿隨差役赴京跟緝適葛大等已被西城捕役
拿獲經西城御史穆 等具 奏欽奉

諭旨令臣查明叅 奏隨經臣奏請將景州知州沈長春
署山東萊州府同知潘成章一并革職究擬茲提齊
官犯人等據供前情不諱恐有商同隱匿及該管道
府亦有知情徇隱情事嚴加究詰據沈長春等堅供
失鞘重案何敢諱匿實緣賊已拿獲冀圖起贓後一
并通報以致遲延如果心存消彌又何追拿賊匪差
役赴京查起贓銀自取敗露此案該州尚未具報該
管道府亦實無知情代為徇隱情弊矢口不移似無
遁飾查例載州縣有諱盜不報者革職又例載文武
官犯私罪杖一百革職離任各等語此案沈長春於
餉鞘失竊之後並不立時稟報迨經獲賊又欲候查
起贓銀一并具詳情同諱盜未便因正賊業經該叅



員自行拿獲僅照諱盜例革職應請將沈長春照文武官犯私罪杖一百革職例上加為杖一百徒三年至配所折責發落以示懲儆潘成章管解鞘銀雖於點交之後始行被竊但聽信沈長春獲賊再報之言輒卽押鞘起程不卽詳報亦屬不合業經革職應毋庸議景州快役葉士純周之風雇夫不慎以致鞘銀失竊均應照不應重律杖八十各折責三十板革役德州兵役先已取有印收賚回不知景州失竊鞘銀情事應毋庸議賊犯葛二業經解送刑部審擬完結景州起獲碎銀入官冊報逸犯葛四嚴飭緝務獲另結其失察該管道府職名現經另行咨叅所有審明定擬緣由理合恭摺具奏伏乞

皇上睿鑒

勅部議覆施行乾隆五十五年二月初八日奉

硃批該部議奏欽此

刑部奏查叅革知州沈長春於失鞘重案並不立時稟報迨經拿獲正賊又希圖起贓後一併具詳實屬有心取巧未便因正賊業經該叅員自行拿獲僅照

謹盜例擬以滿杖致滋輕縱沈長春應如該督所
奏照文武官犯私罪杖一百革職例上加為杖一百
徒三年至配所折責發落以為地方官諱匿者戒雖
該叅員事犯在乾隆五十五年正月初一日

恩詔以前但係職官諱盜匿報情節較重其所擬杖徒應
不往其援減該督 奏稱潘成章管解鞘銀雖於點
交之時始行被竊但聽信沈長春獲賊再報之言輒
復押鞘起程不即詳報亦屬不合業已革職應毋庸
議景州快役葉士純周之鳳雇夫不慎以致鞘銀失
竊應革役均照不應重律杖八十折責三十板等語
應如該督所奏完結查葉士純等雖犯在本年正月
初一日

恩詔以前但雇夫不慎以致鞘銀被竊應不往其援免等
因乾隆五十五年二月二十五日奉

旨依議



解餉被竊長解官僉差官俱革職拿問知縣公
出亦革職拿問

乾隆五十四年十一月二十三日奉

上諭據惠齡奏江西委員樂平縣縣丞徐寶彝管解雲南
餉銀五十鞘行至鍾祥縣地方該縣知縣葉治赴鄉
和驗經典史黃寶璋僉差撥夫送至荆門州交替查
點失去一鞘現在提集兵役人等嚴審定擬將典史
黃寶璋委員徐寶彝革職至知縣葉治是否先已赴
鄉容俟查明參奏等語江西解滇餉鞘經過湖北鍾

祥縣地方該典史黃寶璋並不慎重僉差委員徐寶
彝亦不小心管押致被中途串竊非尋常疎玩可比
黃寶璋徐寶彝俱着革職拿問該撫提同案犯嚴行
確審具奏知縣葉治雖因公出但平時不能約束差
役致有疎虞及失去餉鞘又不能即時拿獲咎實難
辭湖北政治廢弛已久若不從嚴懲治不足示儆葉
治亦着一并革職拿問其該管道府及疎防武職各
官着該撫卽行查叅照例議處欽此

經歷署縣事任內分賠民欠耗羨七百餘兩承
辦災賑核減銀一萬五千餘兩不准豁免解部
監禁再行確查

戶部奏據浙撫琅 奏前事一摺奉

硃批該部議奏欽此查定例官員欠 帑無完係屬核減
項下如採買水脚等欸據實

題豁免治本員之罪如係經費項下之長支溢領悞發
及分賠之項非由屬員侵欺代賠之項止失於詳查
與夫格於常例不准開銷等欸爲數不及一千兩者

查實後亦准免罪

題豁其數至一千兩以上者 題豁時或將該員照工程核減無完之例減一等問擬或免其治罪之處於題豁疏內聲敘情節請

旨定奪等因所有叅革經歷沈寧仁名下應追前署鳳陽縣知縣任內攤賠乾隆四十一年民欠耗羨銀八百四十六兩六錢二分又經辦乾隆四十三年災案核減查災辦賑公費運腳及領川米腳費等項動用庫銀一萬五千六百七十三兩二錢一分六釐先據浙

撫在於該叅員原籍追出銀七十兩抵完攤賠耗羨外仍未完攤賠耗羨銀七百七十六兩六錢二分經戶部行令安撫援照江蘇省之例在於各上司名下分賠完項至災賑案核減各項銀一萬五千六百七十二兩二錢一分六釐仍令原籍任所再行確查報部在案今據浙江巡撫琅 奏稱該叅員沈寧仁原籍房屋已經變價完繳另案行追災賑罰賠銀米并續追攤賠耗羨銀兩此外委無絲毫產業伊子訓蒙行醫度日實在力不能完請將該叅員沈寧仁照例

治罪其所欠銀兩著落安徽省任所各上司分賠完
項等語臣等伏查沈寧仁名下應追前項經辦四十
三年災賑核減公費運腳等項銀兩原係在任核減
之項並不及時飭追戶部屢次行查始於五十二年
九月押解回籍追繳殊屬怠緩應如該撫所 奏着
落安徽省催追不力之該管各上司名下分賠完項
仍同另案分賠耗羨銀兩一并查明各員應賠細數
造冊送部查核至該撫 奏稱沈寧仁應照工程核
減數在一千兩以上十分無完例杖一百徒三年不
准納贖等語臣等查沈寧仁承辦查災辦賑公費運
腳並接收川米脚費等事核減銀一萬五千六百餘
兩之多顯係該叅員預爲浮冒侵漁地步必須嚴查
明確如有侵冒情弊卽應按例從重治罪以懲貪黷
卽使雖無侵漁該叅員以經歷微員委署縣事經手
運脚等項核減銀至逾萬兩及經着落追賠又復延
宕不行完繳僅照工程核減數在一千兩以上無完
例擬以杖徒亦不足爲玩視庫項者戒相應請

旨飭令兩江總督並安徽浙江巡撫一面詳細嚴查一面

將該參員沈寧仁先行解部監禁俟查明到日刑部
另行定擬具 奏恭候

命下戶部行文兩江總督安徽浙江巡撫一體欽遵查辦
是否有當伏乞

皇上聖明睿鑒訓示施行乾隆五十四年二月二十八日
奉

旨依議欽此

訪派當商分辨鹽引呈明無力飭查屬實未便
領辦以致貽悞續查有力願繳克公銀二十五

萬兩

大學士和 奏據原任刑部員外郎楊樞候補中書
李瀚呈稱本年八月該省監運使指傳伊等故父當
商楊伯儒李岱源之名令承辦南路鹽引一十七萬
餘道引銷江南河南十五州縣運費浩大無力認克
呈懇本籍求免運使差提不已等情查此案先於本
年五月據長蘆鹽政穆會同山東巡撫長 具 奏

以山東行運南引各商運本較重每多竭蹶新克又復告乏密訪得濟寧州當商李岱源魚臺縣當商楊伯儒家道饒裕 奏請派令接辦引鹽等語經戶部議覆時恐地方官紛紛僉派以致擾累且以當商資本厚薄不一此次雖就該處情形暫為通融籌辦嗣後仍照舊辦理不得將當商派克鹽引援以為例致滋僉商流弊等因飭查在案今據楊樞李瀚呈稱伊等之父俱已物故雖有當舖家道漸已零落實不能克十五州縣之商等語但係一面之詞難以憑信相應請

應請

旨飭交山東巡撫詳細確查如楊樞李瀚等實係無力行銷自未便令其領運以致悞引虧課倘該員等家道實屬豐裕有心推諉不惟仍督令伊等行銷更應從重治罪以示懲儆並將楊樞李瀚原呈一并繕錄進

呈

御覽伏乞

皇上聖明睿鑒謹奏

查明該二商家業素饒情願捐銀二十五萬克公併



借給原商銀二十五萬

臣伊齡阿等謹奏竊臣伊齡阿於九月二十九日奉旨前往山東將當商楊 等具控不能承鹽引會同臣長臣穆 秉公查辦臣伊 帶同原告楊樞兼程前進於十月初七日直抵濟寧州臣長 臣穆 俱於初六七等日先後到濟查山東運銷南引商力微薄辦理竭蹶前經鹽政會同撫臣酌量情形請飭資本饒裕之當商李瀚楊樞二商分地認克以爲調劑由戶部議准奉

旨允行欽遵在案及該商等以家業凋零無力行銷在提督衙門呈控如其家道果係貧乏自不得抑令承克遺悞引課如家道豐盈有心推諉自應承克并治以揜飾之罪臣伊 于沿途留心體訪僉稱該二商家業素饒及到濟寧經臣長 委員復行詳細確查該當商等委係家業素優臣等當卽督同郎中邵有昌知州王道亨傳齊李瀚楊樞當堂開導始據該商將現在家業呈明核其產業雖分派十五州縣地面行運十七萬之引未能辦理裕如但產業生理頗屬富

饒前呈家業凋零實係有心捏飾希圖諉卸詰訊至再該二商惟叩首認罪實覺惶悚查該商素處饒裕遇有公事何得駕詞妄呈有心捏飾自應遵

旨治以重罪以儆愚蒙臣等籌酌辦理間旋該當商等呈稱我等祖孫父子皆身受

國恩得有產業乃因鹽務不諳恐致遺悞冒昧具呈致蹈捏飾之罪卽治以重咎實屬自取但職等再四熟思實深愧悔情願措辦銀二十五萬兩報効克公以贖罪愆再現在商力竭蹶亦屬實情況該商等與職等誼切桑梓事屬有關民食亦未便膜視情願再措銀二十五萬於半年內歸齊給應各商俾濟行運以免停滯再四環叩顙請代爲陳

奏等情臣等伏查該當商等本於鹽務非所素習驟聞行銷十五州縣地方引鹽恐致遺悞與趨避公事有心隱匿家財者似屬有間可否俯准所請免其治罪之處出自

皇上天恩臣等再查現行南引各商原以運本未裕致形遲滯若將該當商等克公銀二十五萬兩發交領辦

又將該商等借給銀二十五萬兩足可辦理裕如百姓亦不食淡如蒙

聖恩俞允除克公銀二十五萬兩即交現行各商按一分起息外其該商等所借銀二十五萬兩亦照一分起息其所得利銀按年統交臣穆解交內務府克公其該當商所借本銀二十五萬兩分拾年令各商按限扣還所有一分利息亦按成本歸還之數逐年遞減如此酌劑則運銷南引既得寬裕民不食淡該當商等亦可仍守木業而其應行治罪之處復得邀恩寬免惟有感激

皇仁踴躍報効臣伊 臣長 臣穆 公同商酌意見相

同是否有當謹恭摺奏

聞伏乞

皇上睿鑒訓示再臣伊 於拜摺後即於十二日起行合

併陳明謹奏請

旨乾隆五十三年十月十九日奉

硃批如所議行欽此

題開鉄山奉部駁查覆勘請封原勘官部議應查叅議處

戸部奉據河南巡撫梁肯堂奏稱河内縣民許九章等以祖遺許家河等處山場產有鉄礦今有江蘇商人錢世昌等出本開採呈准陞任撫臣畢批司飭勘旋據該府縣勘明由前布政司江詳請畢

恭疏具題在案嗣准部咨以抽收稅課未協並煤審何以不收稅課一併行查又經畢批司覆核旋即陞任卸事臣抵任後准部咨催隨即檄委南汝光

新見集卷之六 課程

六 歷股

道萬寧親詣覆勘切實定議詳覆前來臣覆詳加察
核查許家河等處山場延袤三十餘里其採煤採鉄
之處接壤山西在在崇山峻嶺前經許九章等呈請
試採已開爐十座并商未呈明之張家庄牛家坂紅
山嶺鑼圈估等處山場未經開挖若一概採鑿需人
更多姦良易於叢雜况查該處僻在深山附近並無
居人多係外來游民聚處採挖愚民趨利若鶩勢必
日積日多雖派有懷慶府通判稽查而鞭長莫及不
惟防範難周亦恐恃衆滋事且恐有私販偷漏等弊
臣愚以爲事後追求莫若事前禁止現據該道萬寧
親歷周察該山實係逼近邊省向無居民且山谷幽
深稽察匪易卽每山設爐十座而所收鉄課甚爲有
限未便以先經具題在案卽行議准應請
旨勅下部臣將許九章呈請在於許家河開採鉄砂之案
卽行註銷臣卽一面另派該道府將許家河張家庄
牛家坡紅山嶺鑼圈估五處概行封禁毋許本地及
外來民人在地開採如有私行偷挖卽行嚴拿重究
以杜滋事而靖地方理合恭摺具奏等因奉

硃批該部議奏欽此欽遵抄出到部臣等伏查天地自然之利苟於地方無碍於民生有濟固應隨時籌辦以收實用而與利必先除害不得僅徂目前以致滋生事端故各省礦場稍有碍例應封禁先據陞任撫畢 奏河內縣李村地方有許九章祖遺許家河張家庄牛家坡紅山嶺鑼圈估等處山場出產鉄鑛質厚砂旺山中產煤足資鑄煉雇用附近村民無須招募遴委府縣親勘屬實應准開採等因經臣部以爐座與稅課不符且所繪圖內註有煤窩字樣其是否實因開礦鍊鉄始行開挖煤塊抑係舊有窩座今始藉開礦名目朦混夾開之處不可不嚴查辦理至既開窩座卽應抽收稅課 疏內亦未詳晰聲敘行令該撫將一切應行查辦事宜另行據實查明 奏報到日再行核議在案今既據該撫將該處實在情形據實覆

奏是該處山嶺幽峻既易藏姦招募游民尤虞滋事爲利甚微而爲害甚鉅與該陞任撫臣畢 從前 題報情形大相懸殊自應如該撫所 奏永行封禁如

有私行偷窆即行嚴拿重究仍令該撫將未經封閉以前所收課銀按數追解司庫報部查核仍將前次含混詳報及不行詳查率轉各上司職名即行查取送部查議應俟

命下之日行文該撫遵照辦理等因乾隆五十四年八月二十三日奉

旨依議欽

玩悞巡洋並無失事比照逗留觀望不依期進兵失悞軍機律擬斬監候

江督書 奏竊照漕標塩城營守備唐國泰忘玩巡洋經臣叅奏革職行司提審茲據蘇州藩臬兩司等飭委蘇州府汪志伊署松江府知府汪廷昉常州府知府李延敬會審定擬由司覆審招解到臣隨提唐國泰及隨同巡洋外委楊可順張兆年到案親加研訊緣鹽城營濱臨大海向例該營遊擊守備輪為總巡帶同弁兵出洋巡緝按季更替乾隆五十三年秋

季分應輪守備唐國泰帶同外委楊可順張兆年出洋詎唐國泰因患腹瀉卽逗畱在署止令外委楊可順張兆年前往經該管遊擊屢次催促唐國泰仍托病延挨直至八月二十二日始帶兵駕船開行十餘里又以風逆不能行駛旋卽停泊據該遊擊楊瑞鼎詳揭到臣經臣恭摺奏請

旨將唐國泰革職行據江蘇藩臬兩司審擬招解前來臣以該叅備奉派巡洋乃敢托病逗畱不前恐有得受盜匪財賄故意縱弛情弊覆加嚴訊據供巡緝海洋如能拿獲奸匪卽可邀功焉肯貪圖匪人財賄任意廢弛况本年秋季海洋寧謐並無盜匪行劫之事矢口不移似無遁飾查律載領兵官已承上司調遣逗遛觀望不依期進兵接應而失悞軍機者斬監候等語今已革守備唐國泰係輪派外洋總巡之員有督率隨巡各弁之責乃旣托病逗遛不依期出哨迨經該管遊擊催促登舟又復停泊近處始終並不出洋設有疎虞貽悞不小未便以海洋寧謐尚無失誤稍爲輕縱唐國泰應卽比照領兵官已承上司調遣逗

遛觀望不依期進兵策應因而失誤軍機者斬監候
律擬斬監候秋後處決以為玩視巡洋者戒隨巡外
委楊可順張兆年訊係依期出洋應毋庸議所有審
擬緣由理合恭摺具 奏并另錄供單敬 呈
御覽為此奏

聞伏祈

皇上睿鑒乾隆五十三年十二月初十日奉

硃批該部議奏欽此

刑部奏查已革守備唐國泰係輪派外洋總巡之員

有督率隨巡各弁之責乃既托病逗遛不依期出哨
迨經該管遊擊催促登舟又復停泊近處始終並不
出洋實屬心存畏怯任意玩延未便以海洋寧謐尚
無失悞稍為輕縱唐國泰應如該督所 奏比照領
兵官已承上司調遣逗遛觀望不依期進兵接應因
而失悞軍機者斬監候律擬斬監候秋後處決以為
玩視巡洋者戒該督 奏稱隨巡外委楊可順張兆
年訊係依期出洋應毋庸議等語應毋庸議臣謹會
同寺院合詞恭摺具 奏伏祈



皇清高宗純皇帝乾隆五十二年十二月二十日奉
旨依議欽此

檄報會哨發往伊犁當差如果風大難行准知
會改期

乾隆五十四年十月十八日奉

上諭海洋會哨立法甚嚴該鎮將等訂期會巡洋面本有
一定章程原不得因偶遇風信觀望不進前因護溫
州鎮李定國巡洋會哨因風大難行停泊小門洋自
應據實報明乃既未經前往沙角山會哨復檄敘會
哨之印文繞道賚投朦混飾飾是以發往伊犁以示
懲儆但巡洋會哨非出兵打仗刻不容緩者比若屆

期遇有颶風陡發該鎮將等因恐遲逾程限身獲重
譴輒冒險放洋前進使專閫之員及將弁兵丁嘗試
於暴風巨浪之中國家政體亦不忍出此嗣後各該
鎮定期會哨勿實有風大難行許其據實報明督撫
並令該鎮等彼此先行知會卽或洋面風大雖小船
亦不能行走不妨遣弁由陸路徑道札知以便訂期
展限再行前往但該督撫等務須詳加查核設有藉
詞捏飾卽應嚴叅治罪若果係爲風所阻方准改展
日期以示體卹而崇實政前聞閩省洋面每遇九月

颶風較多而江南浙江廣東海洋風信大畧相同會
經降旨令該督撫按各處洋面風信平順之時另行
會商酌定月分不必拘定三月九月會哨旋據伍拉
納等覆奏海疆金門二鎮每年三月九月於涵頭巷
會哨之期因其時風信靡常並多海霧改爲四八兩
月已如議准行嗣後自必遵照定期不致冒險今復
格外加恩該鎮將等恃有此恩旨遂爾任意託故遲
延或藉詞耽逸致悞巡洋要務一經查出必照李定
國之例治罪若該督撫並不留心察訪輒據該鎮將

等捏詞稟報扶同徇隱亦必一併治罪斷不能稍爲寬貸也將此通諭知之欽此

副將在洋被盜擊毀船隻捏報遭風知縣扶同混稟副將發伊犁知縣杖徒不准授 赦

刑部奏據兩廣總督福 奏署廣東春江協副將劉天爵等出洋巡哨被賊擊毀船隻捏報遭風署陽江縣知縣李卓雲扶同混稟審擬治罪一摺奉

硃批該部議奏欽此查律載將帥守備不設備被賊擄掠人
民杖一百發邊遠克軍又例載賊衆擄掠所蓄銀糧
不曾殺害軍民者俱同守備不設備被賊擄掠本律發
邊遠克軍各等語今署副將劉天爵帶兵巡洋遇賊

不能緝捕率以船漏駛回任賊逃逸且于軍械搬移之後船隻不能防範被賊擊毀卽屬守備不設復希圖卸罪捏報遭風實屬藐玩雖此案盜犯現被官兵斃獲多名並非劉天爵任內之事未便以其曾經擊斃多名稍爲寬貸劉天爵應如該督福 等所

奏照守備不設被賊擄掠發邊遠克軍例從重發往伊犁克當苦差先于犯事地方枷號三個月滿日再行發遣護守備李廷揚隨巡出洋被賊毀船又聽從捏報亦應如該督福 等所 奏與劉天爵一例擬軍

從重發往伊犁効力贖罪總督福 奏稱署陽江縣知縣李倬雲雖訊無串囑情事但不查驗確實率行轉稟卽屬扶同捏報應於劉天爵遣罪上減一等杖一百徒三年以示懲儆兵丁潘李進梁文雄等四十九名聽囑裝傷事由本官主使應各照不應重律杖八十均折責三十板等語查劉天爵李廷揚李倬雲雖犯在乾隆五十五年正月初一日

恩詔以前但劉天爵李廷揚被盜毀船捏報遭風李倬雲扶同混報情節俱重所擬遣徒各罪均不在其援減

兵丁潘李進等所得杖罪均予寬免仍革伍該督福
等奏稱盜犯林亞五等十八名案情重大先經正
法奏明餘犯分案具題從重辦里被毀官兵船
隻在於劉天爵李廷揚名下分別追賠造補等語查
盜犯林亞五等十八名前據該督福等拿獲審明
業經奏明正法應毋庸議其餘各犯應令速飭審
擬具奏餘均應如所奏完結再該督福等奏
稱叅革守備林溥把總施洪榮外委梁天中蕭英隆
雖同時出洋但究明實係分道哨巡並未相遇海面
遼闊聲息難通無從應援若竟行斥革未為平允相
應請

旨并失察各上司職名另行咨叅等語恭候

命下移咨吏兵二部照例辦理為此具奏伏乞

皇上睿鑒乾隆五十五年二月初九日奉

旨

皇土神製... 正平二年... 命可... 官共...

勳

兵丁強鎖吏日照軍營鼓躁例即行正法

乾隆五十二年九月二十八日奉

上諭據舒常奏靖州吏目陸禮與因家人華坤向兵丁李
凱買梨喧鬧該吏目鎖入訊明當令開放鎖鍊並將
家人責處董世璉不許私開次日吏目經過副將衙
門董世璉等將該吏目用鍊套項經千總張宗榮喝
散並據飭司訊取張宗榮等供出係副將尚維照派
令孫彪等前往吏目衙門不許開鎖及發稟稿諭千
總捏稟華坤行用小錢買梨各情節請將尚維照解

任一併質審等語吏目陸禮與訊知家人與兵丁買
 梨起衅鎖押兵丁即將家人責處釋放兵丁並無不
 是乃兵丁董世璉挾嫌逞忿始而不准關鎖繼而用
 鎖套項其情甚屬可惡吏目雖屬微員究係職官卽
 有理缺之處亦應稟請該管上司究辦何得擅行鎖
 項殊屬目無法紀此而不嚴加懲治必起兵丁鼓躁
 之漸兵丁董世璉著照軍營鼓躁之例卽行正法以
 照懲創至副將尚維照平日既不能約束兵丁復私
 寫稿囑令捏稟居心狡詐已可概見何待根究尚維
 照卽着革職嚴審此案情節較重該督撫等應自行
 提訊從重辦理何乃竟委之兩司審問殊屬玩縱著
 嚴行申飭其案內有無別項情弊及其餘犯証並著
 舒常一體嚴審定擬具奏該部知道摺並發欽此

衝散潰兵在村藏匿不即投出外擬發伊犁克

當苦差奉 旨給兵為奴

乾隆五十三年六月初四日奉

上諭據福康安等奏查明無著潰兵嚴行究辦一摺已批
該部知道矣至其摺內稱潰兵陳選得等三十三名
俱係冲散後在義民村庄藏匿尚無從賊情事請貸
其一死仍發往伊犁克當苦差等語此等潰兵雖據
訊明因道路根塞不能投出尚無從賊情事但該兵
等派出隨征遇賊打仗時即紛紛潰散不顧主將冲

散後又不即時投出轉在村庄藏匿雖與曾經從賊者情罪有間但僅發伊犁克當苦差不足示懲著改發伊犁給兵丁爲奴以昭炯戒摺并發欽此

巡洋兵船被劫捏報遭風總兵扶同具報同在船兵丁俱擬斬候

刑部奏據閩浙總督伍 奏竊照金門鎮標巡洋兵船被盜行劫該營署遊擊徐璋捏報遭風總兵羅英笈扶同轉報並遊擊徐璋服毒自盡一案經臣疊次恭摺具 奏仰蒙

聖鑒在案臣抵廈門後嚴飭文武各員分頭緝拿正盜一面行提巡洋兵丁及看守徐璋之弁兵等并羅英笈到案審訊旋據報獲呂曉陳松等十三名到案究出

首夥各盜姓名住址卽派員密赴彭厝各鄉圍拿共
獲彭庇等犯五十名先後共計獲盜六十二名並於
各犯家內起獲原劫鉄炮烏鎗等械押解厦門隨委
道府等嚴審去後茲據審擬招解前來臣親提羅英
笈嚴鞫并提各犯督同該道府連日隔別研究緣本
年三月初一日例應金門鎮與海壇鎮會哨於涵門
港該鎮羅英笈因在本標洋面督緝盜匪委署本標
右營遊擊徐璋帶兵四十名駕坐戰船出洋會哨并
帶該營目兵郭瑞龍等十六名配炮位烏鎗腰刀藤
牌三十五件并鉛子火藥等物派令另駕快船一隻
該署遊擊卽令跟隨前往內兵丁蔡潮莊克成陳福
輝等三名均派而未到於二月二十三日開行因風
信不順就泊附近之烏沙地方二十七日出洋於三
月十五日齊至涵門港會哨事畢徐璋仍帶同目兵
郭瑞龍等戰船快船跟隨而回十七日駛至湄洲洋
面忽起大風徐璋戰船身大冲風前進而郭瑞龍快
船敲戩不前被風吹至賊仔澳十八早風定開行卽
遇盜匪彭庇陳松蔡豹呂曉等盜船四隻駛攏行劫

持械過船各兵見賊人衆均泅水分逃兵船軍械一
并被匪刦去撐駕回鄉彭庇等恐人認識兵船隨起
意拆毀滅跡有彭庇鄰族彭滿等七犯幫同將兵船
拆毀各將船板分散携去各兵登岸沿海奔走於二
十一日回至金門署遊擊徐璋戰船已先於十九日
回營該兵丁赴營稟報徐璋一聞軍械兵船均被刦
去惶恐無措當卽往見總兵羅英笈回明被刦緣由
該鎮卽令據實稟報徐璋恐干重咎懇求緩辦容其
出洋趕拿盜賊冀倖輕減罪名該鎮隨卽允准二十

七日徐璋拿獲盜犯陳松等十一名起獲贓銀器械
令各兵查認均非軍船被刦兵器徐璋以軍械未獲
恐陳松等非此案正盜尚不敢據實報出又懇求總
兵羅英笈捏報遭風失水軍器沉失可免叅處羅英
笈因其再四懇求旋亦許允徐璋回署令字識宋登
善創就報文喚同鎮署稿房王瑞龍相商王瑞龍阻
止徐璋令宋登善取洋錢十員給爲筆資王瑞龍卽
代改文稿申報該鎮羅英笈亦卽扶同轉報迨臣駁
飭嚴查並據提臣哈 峇揭到臣卽一面恭摺叅

奏一面親來廈門究辦此案先經提臣派委護守備事
千總李文斌持令箭往金門提徐璋及目兵郭瑞龍
等到廈門訊究徐璋卽日登舟於四月十八日船抵
廈門港適羅英笈船隻亦來廈門徐璋過船稟見羅
英笈因事被連累面爲村斥徐璋心懷畏懼哭泣回
船輒萌短見將跟丁遣出卽取所帶之鴉片用水化
服旋卽上岸赴提臣衙門稟到派押徐璋之護守備
李文斌因未同舟管押已先回等候提臣哈 卽令
李文斌將徐璋押發中軍訊供徐璋行至中營面色
業已發青不能言語該叅將卽交該弁延醫調治無
效至二十日寅刻身死徐璋跟役具報病故羅英笈
卽行轉咨到臣臣以徐璋甫經叅革正須從嚴究辦
今忽報病故顯有情弊立卽飭委興泉永道明世銓
等驗明實係生服鴉片毒發身死填格錄供詳報臣
審訊之下研詰委員及兵丁人等僉供徐璋委係畏
罪自服鴉片身死並無另有別情郭瑞龍等兵船實
係遇風落後被盜圍劫將船隻軍械盡行遺失並無
與盜相通及私賣情事提訊各盜犯彭鹿等逐一供

認於三月十八日在賊仔澳打劫兵船將鎗炮等械
埋藏家內船隻折毀等情並提羅英笈供認知情扶
同捏報不諱究詰至再矢口不移並又究出盜犯彭
庇等係積慣強盜常糾約族人彭佐等出洋疊劫多
案蔡豹陳松呂曉等亦係久經為盜糾夥在洋歷次
行劫商船得贓纍纍查核報案均屬相符所有被劫
軍械鎗炮又係在各犯家中起獲其為正盜無疑查
此案盜犯彭庇等糾夥出洋行劫兵船且行劫商船
多次俱係法無可貸彭庇蔡豹呂曉陳松彭佐彭五
彭七彭益元彭西彭相彭剡彭夏彭川彭聘彭培明
彭再來彭棟彭錢春彭受彭雨彭六彭實彭照彭西
吉彭鄒彭迎彭光彭得彭合蔣寵高韜陳尾蔡載陳
來葉開魏應林黎林魚陳懷蔡點蔡元張彩吳檜陳
協王却范著林萬施日鄭耀葉四童善林順許長林
賜吳得意等五十五名合依江洋行劫大盜斬決例
擬斬立決梟示該犯等情罪重大未便稍稽顯戮臣
於審明之日卽恭請

王命飭委興泉永道胡世銓署水師提標中軍叅將李得

勝將盜犯彭庇等五十五名綁赴廈門港商船輻輳處所處斬示衆訖仍傳首犯事地方梟示彭滿彭醋彭緩彭批彭團彭色楊委等七犯雖未隨行出洋爲盜但幫同拆毀兵船亦未便輕縱應照例擬斬監候先行刺字候滿三年再行發遣徐璋業已自盡毋庸議外將羅英笈及兵丁郭瑞龍等俱擬斬監候李文斌擬遣王瑞龍等擬以徒杖逸犯彭烈旺等十七名獲日另結等因具 奏前來查律載江洋行劫大盜立斬梟示又棄毀軍械至二十件以上者將領擬斬監候軍人減一等杖一百流三千里又官軍臨陣先退者斬監候又軍臨敵境故違期三日不至者斬監候又乾隆五十二年十二月內臣部議覆兩廣總督孫 奏拿獲洋盜王馬成等一案將該督擬以情有可原之郭韋并年未及歲之陳累范休三犯改擬斬梟示衆具 奏奉

旨此案郭韋陳累范休俱未隨同行劫今贓著從改爲應斬監候秋後處決俟滿三年再行照例分別發遣完結欽此欽遵在案此案拿獲盜犯彭庇等五十五名

糾夥出洋疊劫商船多次復敢行劫兵船軍械俱屬
情罪重大業據該督於審明後恭請

王命斬決梟示畧遊擊徐璋帶兵出洋會哨致船隻軍械
盡被盜劫乃敢捏報遭風情殊欺罔應照將領棄毀
軍械律擬斬已經畏罪自盡毋庸議外總兵羅英笈
身爲專閫大員並不親身出洋會哨迨兵船被劫該
犯明知緣由又不據實揭叅乃徇延欺飾殊屬骫法
營私應如該督所 奏羅英笈應與徐璋一律同科
照將領棄毀軍械律擬斬監候兵丁郭瑞龍洪士玉

李連芳許士元許志良洪順良林守義莊天助陳德
寶辛海貞鍾信宗洪榮呂李連成等十三名雖訊無
與盜相通私賣軍器情事但出洋巡緝遇盜搶劫不
能抵禦輒棄船械泅水分逃實屬畏怯未便照軍人
棄毀軍械二十件以上律擬流致滋輕縱應如該督
所 奏從重照官軍臨陣先退者斬監候律擬斬監
候兵丁蔡朝佐莊克成陳福輝等三名奉派巡洋胆
敢潛匿家中並不前往巡哨玩法已極亦應如所
奏照軍臨敵境故違期三日不至者斬監候律擬斬

監候俱秋後處決該督 奏稱羅英笈等情重均屬
重大俱應趕入本年秋審情實等語查該省本年秋
審案件業經具 題到部此案該犯等應即由部入
於本年秋審辦理以昭炯戒彭滿彭醋彭綬彭批彭
團彭色楊委等七犯既據該督訊明並未隨行出洋
為盜但帮同拆毀兵船亦難輕縱均與廣東省玉馬
成案內情有可原之夥盜郭革等事同一例應如該
督所

奏彭滿等七犯均擬斬候行令該督等飭屬嚴加鎖圍

俟滿三年再行解部發遣黑龍江給披甲人為奴逸
盜彭烈旺等十七名仍令該督嚴飭文武員弁上緊
緝拿務獲毋使一名漏網該督 奏稱護守備事千
總李文斌特令往提徐璋並不親身押解使令乘閒
服毒自盡雖訊無徇情故縱應照例從嚴治罪發往
伊犁克當苦差營書王瑞龍得受徐璋洋錢十元折
實庫平紋銀六兩二錢若照官吏受財僅止杖責未
免輕縱應從重照蠹役詐贓六兩至十兩例杖一百
徒三年字識宋登善係說事過錢應與王瑞龍一律

同科亦應杖一百徒三年到配所各折責四十板擺
站跟丁謝西張進祿並不小心照看致令本官乘閒
服毒應與報事不實之兵丁王元升均照不應重律
杖八十折責三十板革伍失察盜犯各地保及不能
禁約子弟爲盜之各該父兄分飭所屬查拘照例發
落所有兵船失事洋面係湄州賊仔澳深水外洋該
營員弁毫無覺察未便照尋常疎防議處相應請

旨將護海壇鎮標右營遊擊事候補守備富興署中軍守
備事金門鎮右營千總蔡龍得革職的於海洋緝拿

盜匪起獲各軍械交原營歸號配用賊械賊船分別
銷燬變價入官所刦客船贓物銀錢衣服事主認領
至徐璋所服鴉片買自何人業已身故無從查究應
免置議等語均應如該督所 奏完結仍令該督等
將叅革守備富興千總蔡龍得留於海洋地方將未
獲逸盜彭烈旺等十七犯嚴飭緝拿務期全行弋獲
以靖海疆再該督 奏稱海壇鎮總兵丁朝雄彼時
係在北洋一帶追拿盜匪刺舵等犯未及親身前往
委員代行會哨報明有案但究屬疎防應請交部議

處其汛防員弁查明咨部斥革至各案行劫商船各
案仍查取應叅文武各職名咨部照例辦理等語恭
候

命下移咨吏兵二部照例辦理臣等合詞具 奏伏乞

皇上聖鑒乾隆五十四年六月二十七日奉

旨依議

出征兵丁沿途病故長支銀兩准其寬免

乾隆五十三年十二月二十二日准

戶部咨准廣東巡撫圖 咨稱據布政司許 等詳

稱查廣西省官兵赴閩剿匪經由粵東支過一個月

鹽菜銀兩數目造銷奉准部覆事竣造冊到日再行

核辦等因嗣據各屬造報廣西各起官兵行抵粵東

境內先後病故兵丁共十四名共長領鹽菜銀四兩

六錢二分查粵東原咨案內聲明廣西官兵經由粵

東入境起在於封川縣首站及在省換船處所之而

番二縣合給一個月鹽菜銀兩前進粵省照交過銀
 兩數目造銷今廣西病故各兵既有長支鹽菜銀兩
 事關報銷應將長領銀數咨明廣西省扣還就近報
 撥以免往返批解欸項久懸除將支過一月鹽菜銀
 兩造冊另案報銀外理合詳請咨部暨咨廣西撫院
 轉飭查照扣還報撥咨覆粵東知照等情除咨兵部
 暨移咨廣西撫院外相應咨達等因前來查定例派
 往出征兵丁沿途病故其長支借支銀兩准其寬免
 今廣西省派赴閩省兵丁沿途病故兵丁十四名共
 長支鹽菜銀四兩六錢二分係例應寬免之項毋庸
 在於廣西扣還應令廣東巡撫轉飭聲明造入奏銷
 冊內送部查核并知照廣西巡撫可也



文部司印

所見集三

卷之七

三十一

